

三
李
年
譜

關中三李年譜卷六

山陽吳懷清編

天生先生年譜

明崇禎四年辛未七月初五日丁丑丑時先生生

按康熙十八年

已未先生告終養疏云臣年四十有九又顧甯人是年與先生書亦云第年四十有九依此逆推當生崇禎四

年辛未又詩集孫與予同辰詩注同丁丑日詩作於七月考太宗實錄天聰五年辛未即明崇禎四年七月

癸酉朔丁丑爲初五日既脫稿復得先生表第朱長源撰先生行狀生年月日皆合又知爲丑時續疑年錄作

崇禎六年癸酉生誤先生名因篤字天生更字孔德見砥齋集靜志居詩話翁

山文外又字子德號中南山人堂詩集李氏糸出山西洪

洞金元間有名義甫者避亂關中美原縣韓家村居焉

洪武初縣廢爲富平人數傳至允夫家始大生溢溢生
磐磐生廷弼廷弼生朝觀字月峯爲邊商以任俠著與
里豪爭渠田爲齟齬以死娶趙氏生希賢字星麓以諸
生走闕下上書訟冤直其事大猾以次就法報父讐名
動天下家遂中落娶任氏生武舉效忠字盛五稍復振
娶楊氏無出側室任生子三長諸生映林字暉天本集
君孝貞行實 莘野集孝貞墓誌映林字暉天始以文
補邑弟子員少而剛方績學不倦以程朱爲宗旣得事
馮恭定學娶田氏二曲集田太孺人墓誌太孺人富平
益大進董村人父增廣生時需母楊氏年十
六歸於孝貞按誌稱太孺人生萬歷三十七年己酉
五月壬寅以十六年下推來歸當在天啓四年甲子生
子二先生其長也

崇禎五年壬申二歲

崇禎六年癸酉三歲

冬十一月弟因材生

按本集舍弟生日詩注時長至後一日應十一月生

又名迪

篤

亭林詩集過子德詩追陪有弟昆注令弟迪篤

字大生

砥齋集頻陽札記唯李天生與弟大生不

獲從容

諸生嗣叔曾祖鎮撫公

按鎮撫無考富平志有李希賜崇禎十五年武

舉文縣守備名與先生曾祖希賢同上一字或即其人

娶楊氏

亭林文集孝貞墓誌崇禎七年因篤

方三歲迪篤二歲徐松亭林年譜謂三蓋四字之譌而康孟謀孝貞墓誌亦作崇禎七年因篤方三歲因材方

二歲按朱狀仲君因材字大生少公二歲三確是四之譌

按朱狀云公友愛性成仲君童時偶放蕩太孺人欲笞

之公跽謝曰材幼少知識過皆由兒願代受責公泣太

孺人亦投杖泣仲君遂感奮嚮學年次無徵附識於此
崇禎七年甲戌四歲

夏四月二十六日壬午父孝貞公卒

孝貞墓誌崇禎七年四月壬午以疾

卒年二十七鄉人私謚孝貞按明史懷宗紀七年四月丁巳朔壬午爲二十六日

踰月祖武舉

公以哭子繼沒越三月關中大亂而寇至里中祖母楊

與族人相保一樓賊舉火其下李氏之門合良賤死者

八十有一人

孝貞墓誌按明懷宗紀是年二月張獻忠突商維凡十三營流入漢南五月副將賀

人龍等敗賊藍田是夏官軍圍高迎祥李自成諸賊於興安車箱峽兩月賊食盡僞降復叛關中大亂應指此

先生及弟因材從母田之外家獲免

崇禎八年乙亥五歲

先生性穎異從外祖時需公就塾富平志田時需山西右參政時震弟增生

性坦直內明外剛臨難不奪遭闖亂力拒偽命棄諸生尤有兄風本集旅夜追思外祖云憶我方襁褓呱呱

失所天舉家依外氏銜恤荷翁憐膝下親授讀會心亦偶然解頤道我穎嘉譽爲之延五歲就小塾攜持行相聯竹窗伴夜誦湯餅嘗滿前未夕來促坐中星屢移躔受讀學庸語孟尚書孝經

過目成誦朱狀

按先生邑里絕句注少時讀書頻山南麓王公年無次無考附識於此

崇禎九年丙子六歲

崇禎十年丁丑七歲

母田太孺人時勉以恪繼父志因出孝貞遺書並馮恭

定小像泣告之曰此孔孟眞傳若父疇昔之所潛心從事者也小子以此自勸若父爲不亡矣先生嗚咽受命田太孺人墓誌本集先母田太孺人行實母出父遺書並示恭定公小像泣告之曰公自有二子顧以斯卷授若父不幸齎志中途小子其勸之哉按朱狀列此事於七歲時

崇禎十一年戊寅八歲

通制義

富平志因篤八歲能文章旅夜追思外祖云八歲通制義濡毫預羣賢執經儼侍側諄復破言

詮朱狀八歲能文章出語輒驚人

崇禎十二年己卯九歲

崇禎十三年庚辰十歲

作雲臺諸將論爲外祖時需公激賞

旅夜追思外祖云十歲解小論初成

雲臺篇彙陳中興佐提掇寇鄧隨飲外伯祖時震公宅
偏展視雙眉動方諸萬斛泉

卽席背誦賈董諸策舉座驚異富平志田時震字出孟號御宿明天啓二年進

士由縣令遷侍御直言敢諫觸權貴數黜數起崇禎末
以言時弊忤當事廢棄歸里所著詩文遭兵燹燬於火

餘奏疏一冊履難記一冊李太史子德序之山西志時
震崇禎中忤吏部尚書王永光爲山西右參議右參政

罷明史本傳時震歷知光山靈寶崇禎二年入爲御史
劾劉鴻訓納田仰金囑吏部尚書王永光用爲四川巡

撫仰迄罷去時震以發鴻訓私進秩一等未幾又劾永
光及溫體仁忤旨切責遂以年例出爲江西右參議調

山西就遷左參政罷歸十六年冬流賊陷富平授以僞
職不屈死旅夜追思外祖云追隨侍御宅習禮叨賓

筵謂我尤強記藏書腹已穿諸賓半疑信卽席分彩牋
哦畢賈董策續賓詠甫田賓驚起舉爵剩酒沾喉咽按

本集有覓外伯祖侍御公疏草不
得悵然有作一首侍御蓋指時震

崇禎十四年辛巳十一歲

應縣試翼城崔明府允升拔置第一

旅夜追思外祖云始試崔明府虛聲

自此傳

翼城志崔允升字一初崇禎十三年進士任

富平知縣

順治初任西安知府按本集存沒口號注崔

參藩公諱允

升初宰敝邑知予於總角則崔不終知府

但無考

朱狀崔又字翔山田太孺人墓誌年十一就童

子試邑宰

得其卷驚以提學遂安汪歲星喬年按試取

爲神拔之

冠軍隸博士

入邑庠

遂安志汪喬年字歲星明天啓二年進士授刑部主事遷郎中出守青州備兵河東督學關中

絕竿牘時

闖賊將窺秦以薦晉臬司擢陝督推總制一

歲三遷甫

受命值郾城圍急疾馳赴援戰於襄城死之

陝西志

喬年督學三秦校士必焚香告天誓無所私故

拔取多一

時寒士十四年四月奉命撫秦諜報自成將

叩關西入

疾馳至商洛部署初定總督傅宗龍計至繼

聞總督之

命方簡兵儲糧而兵部催出關檄踵至戰敗

死之襄城

志辛巳陞陝西按察使未幾特簡巡撫總督

三邊按以

提學陞臬司在十四年先生入泮卽在是年

朱狀是年

入邑庠

入邑庠

崇禎十五年壬午十二歲

崇禎十六年癸未十三歲

食廩餼

朱狀十三食餼按提學道何人無考

十月李自成陷西安僭偽號逼諸生出試先生遂棄衣

冠屏舉子業一意經學旁通左國史漢暨唐宗諸大家

田太孺人墓誌

專力古文辭尤好爲詩歌朱狀逆賊僭號西安公乃棄諸生專力古

文辭尤好爲詩歌到處寺觀或友人書室興發時援筆淋漓題已往復哦詠旁若無人

是冬從時需公避賊北山

旅夜追思外祖云凶渠忽僭號僞檄遙騰邊勒限入仕賊

青門故高塞敢違投鼎鑊從卽被旌旗又云谿壑賊未厭酷刑搜金錢摺紳並罹害翁族俄株連數欲偕我去

潛居北山巔拋家輕敝屣不復稍纏綿

時自成脅摺紳索餉從舅田而腴

代父時震被繫長安獄

崇禎十七年甲申十月朔爲

大清順治元年十四歲

正月元日自成卽王位二月出潼關渡河入山西挾而

腴至平陽殺之

山志李自成甲申正月元日卽王位二月出潼關從容渡河又參政田時震當

賊檄下富平拘之追餉時震稱病不出其子而腴願以身代後殺於紅芝驛時震以悲憤尋卒於家又富平田

上則爲李自成所殺蓋代父死難孝子也非今世廬墓刳股者可比予嘗言之郭九芝明府爲建祠與唐梁孝

子並祀以旌之不知今竟能成否予不識上則其詩亦不多見李天生偶述其秋日荆園懷季父驃騎公一詩

云釀酒新成稻子香提兵江漢爲勤王將軍鐵甲秋風裏閒殺東籬菊正黃特錄以識之又上則之父爲參藩

其哭上則有一聯云爾父爲臣不能盡忠保生惜命殊覺慚天愧地吾兒爲子乃能盡孝殺身成仁應知垂後

傳今然參藩以上則代死得不辱於賊吾無譏焉而上則之孝大矣按解州安邑縣有泓芝驛紅泓音同而先生題忠臣孝子畫亦云上則遇害平陽三月自成陷京與富平志同所言較確上則而腴別字

師亂定先生歸里

旅夜追思外祖云亂定後歸里窮棲纔數椽

順治二年乙酉十五歲

是年從舅而腴公櫬歸舅母徐氏殉

富平志田而腴字沃干明參政時震

子崇禎十六年自成陷關中脅諸紳強授以官稍抗卽械繫索餉時震不屈將逮治而腴請代自成繫長安獄拷掠備至賊東行挾至平陽殺之徐氏而腴妻父某宦秦中以誣下獄請鬻身救父而腴聞其賢聘爲繼室旣而腴代父死平陽逾歲柩還氏從容迎祭成禮投繯死

接受祺堂詩有從舅上則先生舅母徐氏孝烈未旌邑人彙鄉賢有感一首覓外伯祖侍御公疏草不得悵然

有作卽寄十六舅一首年次無考附識於此

富平志田而穠字秩

臣號漆崖順治十七年舉人歷官固原岷州學正先生有送表弟子經隨十六舅之蘭州詩十六舅應卽而穠

順治三年丙戌十六歲

順治四年丁亥十七歲

冬十月初五日癸酉葬父孝貞公於韓家村東南新阡

孝貞墓誌越十有三歲十月癸酉因篤始克葬先生於韓家村東南新阡按自崇禎甲戌推至丁亥爲十三歲

聖祖本紀四年十月己巳朔癸酉爲初五日

順治五年戊子十八歲

秋遊青門主朱子斗家郭金湯爲之延譽得與邠州牧

蘇生紫東柱伏羌令趙一鶴志忤會

朱狀十七徧遊長安觸目感懷倣杜

少陵作秋興八首其寓意深遠人莫能解會邠州守蘇公東柱伏羌令趙公志忤奉檄入闈於故勳衛郭氏子案頭見之稱賞不置問作者爲誰郭曰吾友富平天生李子作也二公曰其人安在郭曰見寓舊王孫子斗家二公曰可得見乎郭曰此人倔强不可以勢屈郭以計鉤致之乃與二公一覲面二南遺音小傳朱誼斗字子斗秦藩支屬闖賊據關中從母姓楊賣卜三原龍橋溫與亨調之有人斗詩集靜志居詩話朱誼斗秦愍王九世孫才情橫溢極爲富平李子德所稱覽其祀寵千一百二十字雖未悉工而浩沔不可及也顧甯人朱子斗詩集序萬歷以來宗室之文人莫盛於秦秦之宗有七子而子斗最少崇禎之末六子皆先逝而子斗獨年至八十後先帝十一年卒按子斗應卒於順治十二年乙未本集郭公金湯墓誌前昭信校尉郭民止字金湯晚號有竹主人年十八襲西安衛百戶家長安自成破西安負母匿城外祖塋大清正字詔錄舊勳嚴檄趨之出仍理軍屯旋謝病乞休治別墅南山下文酒自娛性喜賓客海內鉅宿如顧亭林閩古古曾庭聞屈翁山趙公受來遊關中咸主其家吾秦則劉石生王無異溫元肆宋子禎又家斥翁聖年雪木過從尤密惟老病

不及造訪家二曲徵君向執友道之每以爲憾 雄縣志蘇東柱字生紫號迴瀾順治四年進士授邠州知州在任九載再補保德卒於官年五十四 藁城志趙志忤順治四年進士五年任伏羌後調山西趙城令按朱狀郭氏子應卽金湯蘇趙入秋闈應在順治五年戊子科趙令伏羌亦在五年狀作十七或偶誤是年先生十八歲因改列是年

是年詩有秋興八首

順治六年己丑十九歲

順治七年庚寅二十歲

順治八年辛卯二十一歲

順治九年壬辰二十二歲

順治十年癸巳二十三歲

順治十一年甲午二十四歲

順治十二年乙未二十五歲

順治十三年丙申二十六歲

順治十四年丁酉二十七歲

順治十五年戊戌二十八歲

順治十六年己亥二十九歲

春外祖時需公卒旋赴青門

旅夜追思外祖云髭髯期挺達三十尚述邇按先生

外祖卒未幾至青門時需公之卒應在是年詩言三十舉成數言之若明年三十時先生已赴固原矣至

三原秋至醴泉時清苑陳祺公上年赴涇固道任蘇生

紫趙一鶴均素契先生又與祺公同年因薦先生授兩

公子直立讀迎之署

本集哭陳祺公詩注使君初擢固原僉憲晤予於邸章驛遂迎之官

舍按大清會典驛站路程自陝西咸寧縣京兆驛五十里至咸陽渭水驛又七十里至醴泉縣店張驛注作邸

章音字稍轉異耳

代州志參議輔志陳上年字祺公

清苑人順治六年進士授鞏昌府推官內遷兵部郎十

六年出爲涇固道十七年十二月調雁平道康熙六年

裁缺歸再起廣西布政司參議逆賊破梧州迫以官不

從幽死朱狀時上谷陳公上年備兵固原爲子延師訪

及蘇趙二公二公舉公姓名應曰李君少陵後身也師

無踰此人者出公秋興詩示陳公陳公擊節歎賞曰吾

師乎吾師乎遣其子具車馬奉書幣至公家先起居太

夫人徐陳贊儀公怒揮之使去太夫人勉之不獲

已受聘抵固原陳公郊迎三十里遂定昆弟交

是年詩有先外祖見背後青門諸友迎至西郊旅次感

懷一首過前中尉子斗先生舊第有感一首聞劉閣學

客生定逝並難兄遠生司馬亦亡一首

宜川志參王船山集小腆紀傳